

STARFSLEYFISSKILYRÐI FYRIR fiskeldi á landi

Samræmd starfsleyfisskilyrði vegna mengunarvarna, sbr. 8. gr. reglugerðar nr. 550/2018 um losun frá atvinnurekstri og mengunarvarnareftirlit, með síðari breytingum. Sjá einnig auglýsingu nr. 582/2000 um lista yfir mengandi starfsemi þar sem ekki er krafist ítarlegrar starfsleyfisgerðar.

1. ALMENN ÁKVÆÐI OG GILDISSVIÐ

		Rgl.nr.	Uppfyllt
1.1	Starfsleyfisskilyrðin gilda fyrir fiskeldi og seiðaeldi annað en sjókvíaeldi	550/2018 5. gr.	
1.2	Ef um annan starfsleyfisskyldan rekstur er að ræða samhliða, gilda einnig viðeigandi starfsleyfisskilyrði.	550/2018 5. gr.	
1.3	Rekstraraðili ber ábyrgð á rekstri rekstraraðila að öllu leyti þar með talið að lögum og reglum, sem eiga við um starfsemina, sé fylgt sem og kröfum í starfsleyfisskilyrðum. Breytingar á rekstri skal tilkynna til leyfisveitanda.	550/2018 13. og 56. gr.	
1.4	<p>Rekstraraðili skal starfrækja innra eftirlit með mengandi þáttum starfseminnar og umhverfis- og rekstrarþáttum tengdum þeim.</p> <p>Skrá skal á skilvirkan hátt og geyma upplýsingar um:</p> <ul style="list-style-type: none"> a) Vatnsnotkun, framleiðslumagn og afföll. b) Fóðurnotkun og fóðurgerð. c) Losun efna út í umhverfið. d) Viðhald og tæmingu hreinsivirkja sem eru til staðar. e) Magn og gerð hreinsiefna, sótthreinsiefna og lyfja sem notuð voru á árinu. f) Meðhöndlun úrgangs, þ.m.t. magn og gerð. g) Afstöðumynd af stöðunni sem inniheldur m.a. frárennislagnir og hreinsivirki skal vera til staðar. Skrá skal allar breytingar sem gerðar eru á byggingum og frárennislögnum og varða mengunarvarnabúnað. h) Gera skal viðbragðsáætlun vegna mengunaróhappa og neyðaráætlun ef til rekstrarstöðvunar kemur. i) Skrá skal öll mengunaróhöpp og atvik er varða mengun og mengunarvarnir rekstraraðila, s.s. bilanir á búnaði, leka og slys. <p>Innra eftirlit og skráningar skulu vera aðgengilegar heilbrigðisfulltrúum.</p>	550/2018 8. og 57. gr.	

2. MENGUNARVARNIR OG UMHVERFISMÁL

		Rgl.nr.	Uppfyllt
2.1	Beita skal bestu aðgengilegu tækni til að fyrirbyggja mengun umhverfisins.	550/2018 54. gr.	
2.2	Rekstraraðili skal tryggja umhverfisvernd, t.d. með því að fylgjast með ástandi eldisvatns og eldisbúnaðar. Reglulega skal yfirfara botnsíur og annan búnað sem hindrar að fiskar sleppi út í umhverfið.	1170/2015 43. gr.	
2.3	Rekstraraðila er skylt að sjá um, að á öllu athafnasvæði þess sé gætt fyllsta hreinlætis. Allar vélar og tæki, hráefni og annað það er starfseminni tilheyrir og er vistað í húsnaði eða á lóð rekstraraðila skal þannig frá gengið að ekki valdi óþrifum eða óþægindum fyrir nágranna.	737/2003 16. gr. og sbr. ákvæði 2.1 og 2.2 í fylgiskjali með auglýsingu nr. 582/2000	
2.4	Beita skal bestu fánlegri tækni við meðhöndlun úrgangs og stefna að lágmarkun úrgangs hjá rekstraraðila. Rekstraraðili skal flokka og endurnýta úrgang eins og kostur er. Úrgangur sem ekki nýtist skal annaðhvort fluttur til endurnýtingar annars staðar eða til förgunar. Sorphirslur og ílát undir úrgang sem staðsett eru utanhúss, skulu vera lokað og í samræmi við lög og reglur. Spilliefnum og lyfjaleifum skal komið til viðurkenndrar spilliefnamóttöku. Öll brennsla úrgangs er óheimil.	737/2003 11. gr.	
2.5	Rekstraraðila er skylt að fyrirbyggja aðgang fugls, meindýra og annarra villtra dýra að eldiskerjum, fóðurgeymslum, fráveitukerfi og úrgangi á vegum rekstraraðila, eftir því sem frekast er unnt.	300/2018 15. gr.	
2.6	Frárennsli frá fiskeldi skal forhreinsa áður en það berst í viðtaka. Hafa skal samráð við viðeigandi heilbrigðisnefnd. Frárennsli skal vera í samræmi við bestu aðgengilegu tækni fyrir fiskeldi.	798/1999	
2.7	Skólp frá salernum og hreinlætisaðstöðu skal leitt í fráveitu sveitarfélags eða í rotþró með siturlögn.	798/1999 5. gr.	
2.8	Verði rekstri hætt skal rekstraraðili, í samráði við heilbrigðisfulltrúa, ganga þannig frá athafnasvæði og búnaði að hvorki mengunar né slyshætta skapist.	550/2018 15. gr. 1170/2015 17. gr.	

3. UMHVERFISMARKMIÐ

		Rgl.nr.	Uppfyllt
3.1	Frárennsli sem rennur beint til viðtaka skal að lágmarki miða við eins þreps hreinsun. Aðstaða til sýnatöku og mælinga í frárennsli skal vera fyrir hendi.	798/1999	
3.2	Ef vart verður að mengun sé yfir umhverfismörkum eða ef önnur óæskileg mengunaráhrif vegna starfseminnar koma í ljós skal rekstraraðili, í samráði við heilbrigðiseftirlit, gera ráðstafanir til úrbóta.	550/2018	

Starfsleyfisskilyrðin eiga sér m.a. stoð í eftirfarandi lögum og reglugerðum með síðari breytingum:

Lögum nr. 7/1998 um hollustuhætti og mengunarvarnir, lögum nr. 55/2003 um meðhöndlun úrgangs, reglugerð nr. 550/2018 um losun frá atvinnurekstri og mengunarvarnareftirlit, reglugerð nr. 737/2003 um meðhöndlun úrgangs, 1170/2015 um fiskeldi, reglugerð nr. 300/2018 um velferð lagardýa, varnir gegn sjúkdómum og heilbrigðiseftirlit með eldisstöðvum, auglýsing nr. 582/2000 um lista yfir mengandi starfsemi þar sem ekki er krafist ítarlegrar starfsleyfisgerðar og reglugerð nr. 798/1999 um fráveitur og skólp.